

YOHANUN KĀSIRU TE TA YESU KIRISI SƆƆSI

Yohanu u win kāsī teni yoruawa sanam mε ba Yesugibu nōni sƆƆmō ben naane dokebun sƆ. Yera u bu yorua u ka bu dam kē ben nōni swāaru sƆ. Tire ten gari dabinu nu sāawa yīrenu ni nu tubum sē.

Tire teni, ta sāawa Bibelin tire dāakiru. Ta sun sƆƆsimō nge mε handunia ya koo ka wiru goora ka nge mε Yesu u ko n sāa sanam mε u koo wurama.

Ta maa sun sƆƆmō nge mε Yesu u sāa. U sāawa wi u raa wāa, mēya u wāa gisō, u ko n maa wāawa sere ka baadomma. U sāawa gāanu kpuron tore ka nin wii gowo. U maa sāa sinambun sunō ka yinnibun Yinni. U maa sāa win yigberun wirugii. U sāawa nge gbee sunō ge ga yara Yudan bweserun di. U sāawa yāku kowo tōnwero, ma u maa sāa nge yāa kinε kpendu te ba ka yākuru kua.

Tire ten gari mero ya sāawa, Gusunō u koo Setam tabu di mam mam saa Yesu Kirisin min di. Mēya u koo be ba nùn naane sāa doo nōru wē ù n wōn kpaaru ka tem kparam swīi.

Tire ten kpunaa

1. Tōbiribu, wiru 1:1-8.
2. *Tire ni* ba Yesun yigbenu nōba yiru yorua, wiru 1:9n di sere wiru 3:22.
3. *Ye ya* koo kooora sia, wiru 4:1n di sere wiru 22:5.
4. Yesun wuramaru, wiru 22:6-21.

Tire tenin asansi

¹ *Tire teni* sƆ ba gāa ni yorua ni Yesu Kirisi u terasia. Gusunōwa u nùn gāa ni wē u ka win sōm kowobu sƆƆsi ye ya koo kooora ù n sosi. Ne Yohanu, ne wi na sāa Kirisin yoo, u man ye sƆƆsi, saa win gōradon min di wi u man gōria.

² Na ye kpuron seeda di ye na ka nōni wa. Na Gusunōn gari nōōsia ka seeda ye Yesu Kirisi u di. ³ Doo nōōrugiiwa wi u Gusunōn gari yinin gari garimō, doo nōōrugiba maa be ba yi swaa daki, ma ba nēni ye ba yorua sōō. Domi yen saa ya turuku kooma.

Yesun yigbenu nōōba yirun

tōbiribu

⁴⁻⁵ Nē Yohanu, na bēē Yesun yigbenu nōōba yiru tōbura Asin tem sōō.

Gusunō Yinni wi u wāa, wi u raa wāa, wi u maa sisi, ka hundeba nōōba yiru be ba wāa Gusunōn sina kitarun wuswaaō, ka maa Yesu Kirisi wi u sāa seeda dio naanēgii wi ba gbīa ba seeya gōrin di, wi u maa sāa sina boko, bu bēē durom kua kpa bu bēē alafia wē.

Yesu u sun kī. Ka win yema u sun yakia besen toranun di. ⁶ Ma u sun mēna u kua besen sunō, u sun kua win Baaba Gusunōn yāku kowobu. Wiya u sinandu ka yiiko mō sere ka baadommaō. Ami.

⁷ Wee, u sisi guru winu sōō. Baawure u koo nūn wa, baa be ba nūn sōkan tii. Handunian bwesenu kpuro nu koo gōō wuri ko win sō. Mēya n ko n sāa. Ami.

⁸ Gusunō Yinni Dam kpurogii, wi u wāa, wi u raa wāa, wi u maa sisi, u nēē, wiya gāanu kpuro torua, u koo maa ni wiru go.

Yohanu u Kirisi wa kāsiru sōō

⁹ Nēna Yohanu bēēgii, nē wi na maa bōnu mō ka bēē nōni swāaru sōō ka Gusunōn bandu sōō ka tēmanabu sōō yēn sō sa gbinnē ka Yesu. Ba ka man na tem bure teni sōō te ba mō Patumōsi Gusunōn garin sō ka Yesun seedan sō. ¹⁰ Yinnin tōru sōō Hunde Dēero dera na kāsā, ma na nōō damguu nua nēn biruō nge kākākāgi ¹¹ ga nēē, n yoruo tireru sōō ye na waamō, kpa n tire te mōrisia Yesun yigbenu nōōba yirun mi, Efesuō, ka Simiiniō, ka

Pεεgamuə, ka Tiatiraə, ka Saaduə, ka Filadεefiə, ka Lodiseə.

¹² Ye na sīira n ka wa wi u ka man gari m̀, yera na dabu wuraginu n̄əba yiru wa. ¹³ Ma na goo wa nge t̄n̄un bii u ȳə dabu nin suunu s̄ə. U yaberu sebua ta w̄a sere win naa k̄ə̄n̄ə ma u kpaki wuragia s̄ēke win ḡāasə. ¹⁴ Win wiru ka win seri buririwa nge w̄esu ñ kun mε nge gunsu ma win n̄əni s̄ā nge d̄ə yara. ¹⁵ Win naasu ballim̄wa nge sii gan te ba yania ba tea, ma win n̄ə ga s̄ā nge surun bakaru. ¹⁶ Ma u kperi n̄əba yiru neni win n̄əm geuə, ma takobi n̄ə durora ye ba d̄ēera biru ka wuswaa ya yarim̄ win n̄ə̄n di, ma win wuswaa ballim̄ nge s̄ə wii w̄əllun s̄ə. ¹⁷ Ye na n̄n wa, na w̄əruma win naas̄ nge goru. Ma u man win n̄əm geu s̄əndi u nεε, n ku berum ko, wiya u s̄ā gbiikoo ka d̄āako. ¹⁸ Wiya u s̄ā waso, u raa gu adama t̄ē u ko n w̄āawa ka baadommaə. U yiiko m̄ ḡə̄n w̄əll̄ə ka ḡəribun w̄ā yerə. ¹⁹ Ñ n men na, n yoruo ye na wa, ka ye ya kooram̄ t̄ē, ka ye ya koo koorā amēn biru. ²⁰ Kperi n̄əba yiru ye na wa n̄n n̄əm geuə ka dabu wuraginu n̄əba yiru ye kpuron tubusianun asansi wee. Kperi n̄əba yiru ye, ya s̄āawa Yesun yigbenu n̄əba yiru yen ḡəradoba. Dabu wuraginu n̄əba yiru ye maa, ya s̄āawa yigbε nin tii.

2

Gari yi ba Efesugibu s̄ə̄wa

¹ Kirisi u Yohanu s̄ə̄wa u nεε, a Efesun Yesun yigberun ḡərado yoruo a nεε, nε wi na kperi n̄əba yiru ye neni n̄n n̄əm geuə, ma na s̄īm̄ dabu wuraginu n̄əba yiru yen suunu s̄ə na nεε, ² na win kookoosu ȳē ka win s̄əma ka win t̄emana bi u m̄. Na ȳē ma u ñ kp̄ē u ka t̄n̄ k̄s̄obu t̄emana, ma u ben laakari m̄ēera be ba tii sokum̄ ḡərobu, adama ba ñ s̄ā mε, u deema wee kowoba ba s̄ā. ³ U

suuru mɔ, u ka nɔni swāaru tɛmana nen yīsirun sɔ, u ɛn maa wasire. ⁴ Adama ye na nɔn waasi wee, u ɛn maa man kī nge yellu. ⁵ Ñ n men na, u yaayo mìn di u wɔruma kpa u gɔru gɔsia u ko nge mɛ u ra raa ko. Û kun kue mɛ, kon na n win dabu sua gen ayerun di. ⁶ Ka mɛ, u gāa teenu mɔ ni nu wā. U Nikolaitigibun kookoosu tusa nge mɛ nen tii na su tusa.

⁷ Baawure wi u swaa mɔ u nɔwɔ ye Hunde Dɛero u Yesun yigbɛnu sɔmɔ.

Wi u tabu di, kon de u dāa wāarugii te ta wāa Gusunɔn wāa yerɔn binu di.

Gari yi ba Simiinigibu sɔwa

⁸ Kirisi u maa nɛɛ, a Simiinin Yesun yigberun gɔrado yoruo a nɛɛ, nɛ wi na sāa gbiiiko ka dāako, nɛ wi na raa gu ma na seewa na wasi, na nɛɛ, ⁹ na win nɔni swāaru yɛ, na maa win sāaru yɛ. Ka mɛ, u sāa atasiri. Na yɛ kōsa ye ba nɔn gerusimɔ be ba tii sokumɔ Yuuba adama ba ɛn sāa mɛ, Setam tɔmba ba sāa. ¹⁰ U ku berum ko nɔni swāa te ta nɔn sisien sɔ. Wee, Setam u koo de bu ben gabu pirisɔm doke u ka ben laakari mɛeri. Ba koo wahala wa sere sɔwɔ wɔkuru. U de u n sāa bɔrɔkini sere ka gɔwɔ, kpa n nɔn wāaru wɛ nge sina furɔ.

¹¹ Baawure wi u swaa mɔ u nɔwɔ ye Hunde Dɛero u Yesun yigbɛnu sɔmɔ.

Wi u tabu di, gɔw yiruse kun nɔn wasi.

Gari

yi ba Pɛɛgamugibu sɔwa

¹² Kirisi u maa nɛɛ, a Pɛɛgamun Yesun yigberun gɔrado yoruo a nɛɛ, nɛ wi na takobi nɔw durora ye ba dɛera biru ka wuswaa neni na nɛɛ, ¹³ na win wāa yeru yɛ mi Setam sina kpaara wāa. U nen yīsiru wure, u ɛn win naane ye u man sāa fɛre, baa sanam mɛ ba nen seeda dio naanegii

Antipasi go ben mi, mi Setam wāa yera wāa. ¹⁴ Adama ka mε, gāanu fiiko ni na nùn waasi wee, gaba nùn wāasi be ba Balamun sōsiru swīi. Balamu wi, u ra n Balaki sōsimō nge mε u koo ko u ka Isireliba torasia, kpa bu būu sāa dīanu di, kpa bu kōō menna tantanaru sōō. ¹⁵ Nge meya gaba nùn wāasi be ba Nikolaitigibun sōsiru swīi. ¹⁶ Ñ n men na, u gōru gōsio. Û kun kue mε, kon nùn naa swīima tē, kpa n ka bu tabu ko ka takobi ye ya yarimō nen nōn di.

¹⁷ Baawure wi u swaa mō u nōwō ye Hunde Dεero u Yesun yigbenu sōōmō.

Wi u tabu di, wiya kon manna ye ya berua wē u di. Kon nùn kpee kpikuru wē tē sōō ba yīsi kpaaru yorua te goo kun yē ma n kun mō wi ba tu wē.

Gari yi ba Tiatiragibu sōōwa

¹⁸ Kirisi u maa nεε, a Tiatiran Yesun yigberun gōrado yoruo a nεε, nε Gusunōn Bii wìn nōni sāa nge dōō yara ma nen naasu ballimō nge sii gan te ba yania ba tea, na nεε, ¹⁹ na win kookoosu yē. Na win kīru yē, ka win bōrōkiniru, ka win tōn geeru ka maa win temanabu. Na yē ma win sōm dāakuru ta gbiikuru kere. ²⁰ Adama ye na nùn waasi wee. Kurō wi ba mō Yesabeli wi u tii sokumō Gusunōn sōmō, u dera u nen sōm kowobu swaa nim wia ka win sōsiru bu ka kōō menna tantanaru sōō kpa bu būu sāa dīanu di. ²¹ Na nùn ayeru wē u ka gōru gōsia adama u ñ kī u win kom beretēke deri. ²² Yen sōna kon nùn kpī ka bararu kpa n be ba ka nùn sakararu kua kpēε nōni swāa bakaru sōō bà kun gōru gōsie ba kom kōsum deri mε u bu sōōsi. ²³ Yen biru kon win bibu go. Saa yera Yesun yigbenu kpuro nu koo gia ma nena na tōmbun bwisikunu ka ben gōrusu yē. Kon ben baawure kōsie nge mε win kookoosu nε.

²⁴ Adama be ba tie Tiatira sɔɔ, be ba ñ sɔɔsi kɔ̄su ni swīi, ba ñ gie ye gaba sokumɔ Setam asiri baka, na bu sɔɔmɔ, na ñ kon maa bu sɔmunu ganu sɔbi. ²⁵ Adama ye ba mɔ bu ye nenuɔ sim sim sere n ka tunuma. ²⁶⁻²⁷ Wi u tabu di ma u mɔ ye na kī sere ka nɔrɔ, wiya kon yiiko ye wē ye na mwa nen Baaban min di. Kon nùn yiiko ye wē bwesenu kpuron wɔllɔ u n bu kpare ka sii bokuru kpa u bu so u kɔsuku nge wekenu. ²⁸ Na kon maa nùn yam sāreren kpera wē.

²⁹ Baawure wi u swaa mɔ u nɔwɔ ye Hunde Dεero u Yesun yigbenu sɔɔmɔ.

3

Gari yi ba Saadugibu sɔɔwa

¹ Kirisi u maa nεε, a Saadun Yesun yigberun gɔrado yoruo a nεε, nε wi na Gusunɔn Hundeba nɔɔba yiru ye mɔ ka maa kperi nɔɔba yiru ye, na nεε, na win kookoosu yē. Na yē ma ba gerumɔ u sãa waso baa mε u sãa gɔri.

² Ñ n men na, u yando kpa u ye ya nùn tie tāsisia yu sere gbi mam mam. Domi na wa ma win kookoosu kun dende sãa sãa Gusunɔ nen Yinnin mi. ³ Yen sɔ, u yaayo ye ba nùn sɔɔsi ka nge mε u ye nua. U ye mem nɔwɔ kpa u win gɔru gɔsia. Û kun yande, kon na n nùn deema wɔkuru nge gbenɔ. U ñ ko n maa yē saa ye kon na. ⁴ Ka mε, gaba wãa Saaduɔ be ba kun tii disinu tɛeni, beya ba koo ka man sī kpa ba n yãa kpikinu doke, domi beya n ka weenε. ⁵ Wi u tabu di, wiya u koo yãa kpikinu doke mesum. Na ñ kon maa win yīsiru go wãarun tireru sɔɔ. Batuma sɔɔ kon wura nen Baaban wuswaaɔ ka win gɔradoban mi ma u sãa negii.

⁶ Baawure wi u swaa mɔ u nɔwɔ ye Hunde Dεero u Yesun yigbenu sɔɔmɔ.

Gari yi ba Filadεefigibu sɔɔwa

⁷ Kirisi u maa nεε, a Filadεefin Yesun yigberun gɔrado yoruo a nεε, nε wi na s̄a Dεero ka Gemgii, nε wi na sina boko Dafidin yεnun kɔkɔrɔ neni, nε wi n̄a n kenia, goo ku ra kenε, nε wi n̄a n maa kenua, goo ku ra kenie, nena na nεε, ⁸ na win kookoosu yē. Na yē ma win dam kun kp̄ā. Ka mε, u nen gari mem nɔɔwa, u ñ nen yīsiru siki. Yen s̄na na n̄n gambo kenia ye goo k̄n kp̄ε u kenε. ⁹ Wee kon n̄n Setam t̄n be n̄mu s̄ndia be ba tii sokumɔ Yuuba adama ba ñ s̄a mε, domi weesa ba m̄. Kon de bu na win wuswaaw bu kpuna bu n̄n bεere wē. Be kpuro ba koo gia ma na n̄n kī. ¹⁰ Yèn s̄ u temana u man mem nɔɔwa, yen s̄na kon n̄n bere wahalan saa s̄ɔ ye ya sisi handunia kpuro s̄ɔ yu ka t̄mbun laakari m̄eri be ba w̄a handunia s̄ɔ. ¹¹ Na sisi na ñ t̄emɔ. Ye u m̄, u ye nenuɔ kem kem kpa goo u ku raa n̄n win nasaran are mwaari. ¹² Wi u tabu di wiya kon ko gbere Gusunɔ nen Yinnin s̄a yerɔ, u ñ maa yariɔ. Kon nen Yinnin yīsiru yore win w̄llɔ ka maa win wuun yīsiru ge ga s̄a Yerusalemu kpaa, ge ga koo sarama win w̄llun di. Kon maa nen yīsī kpaaru yore win w̄llɔ.

¹³ Baawure wi u swaa m̄ u nɔɔwɔ ye Hunde Dεero u Yesun yigbenu s̄ɔm̄.

Gari yi ba Lodisegibu s̄ɔwa

¹⁴ Kirisi u maa nεε, a Lodisen Yesun yigberun gɔrado yoruo a nεε, nε gemgii, nε wi na s̄a seeda dio geo naanegii, Gusunɔn taka kooran nuuru, na nεε, ¹⁵ na win kookoosu yē. Na yē ma u ñ yem, u ñ maa sum. Na raa kīwa u n sum ñ kun mε u n yem. ¹⁶ Adama yèn s̄ u s̄a wurɔ wurɔ, u ñ sum u ñ maa yem, kon n̄n pura nen n̄ɔn di. ¹⁷ U gerumɔ u m̄, u s̄a atasiri, u kua dukiagii, u ñ ḡanun ȳaru m̄. Adama na n̄n s̄ɔm̄, wi, ḡɔru garin barɔwa, ka w̄n̄w̄ndo, ka masaasi ka w̄ko ka tererugii. ¹⁸ Yen saabuwa na n̄n bwisi k̄m̄, u de u wura dwe nen mi ye

dǎw sǎnwa, kpa u ka ko dukiagii. U maa kpam yāa kpikinu dweo ni u koo ka win tereru bere kpa u kun maa sekuru mǎ. U kpam maa nǎnin tibu dweo u doke kpa u yam wa. ¹⁹ Be na kī kpuro beya na ra nǎni doke kpa n bu sēyasia. Yen sǎ, u hania koowo kpa u gǎru gǎsia. ²⁰ Wee, na yǎ dii kǎnnǎwǎ na taka mǎ. Baawure wi u nen nǎw nǎwmǎ ma u kenia, kon du win mi, kpa n ka nǎn di kpa u maa ka man di. ²¹ Wi u tabu di, wiya kon de u ka man sina nen sina gǎnǎw, nge mē na tabu di ma na sina ka nen Baaba win sina gǎnǎw.

²² Wi u swaa mǎ u nǎwǎ ye Hunde Dēero u Yesun yigbenu sǎwmǎ.

4

Sāa te ta wāa Gusunǎ wǎllǎ

¹ Yen biru nē Yohanu na mēera na wa kǎnnǎ gagu ga keniare Gusunǎ wǎllǎ.

Ma na maa nǎw ge nua ge ga sāa nge kǎakāagi ge ga raa gbia ga ka man gari kua. Ga kpam nē, n yǎma mi kpa u man sǎosi ye ya koo na amen biru. ² Mii mii Hunde Dēero dera na kǎsa. Wee, na sina kitaru wa Gusunǎ wǎllǎ, goo u sǎ te sǎw. ³ Wi u sǎ mi, win wuswaa ballimǎ nge ni nu nǎni bwese bweseka mǎ ka ni nu nǎni swāaru mǎ. Guru waa ya sina kita te sikerenē ya ballimǎ nge kpee te ta nǎni wuru beku mǎ. ⁴ Ma sina kitanu yenda nne nu sina kita te kooro bure. Ma guro gurobu yenda nne ba sǎ kita nin wǎllǎ ba yāa kpikinu doke ka furǎ wuragisu. ⁵ Yera saa sina kita ten min di guru maakinu yarimǎ ka wurenu ka guru gbāsukunu. Fitolakunu nǎwba yiru ni nu sǎre nu wāa sina kita ten wuswaa. Niya nu sāa Gusunǎn hundeba nǎwba yiru. ⁶ Sina kita ten wuswaa yeru gagun bwesera wāa mi, ge ga ka diki weene.

Sina kita ten suunu sǎw ka ten gǎn gǎnka, hunde koniba nne ba wāa mi, ba nǎni dabinu mǎ biru ka wuswaa.

⁷ Hunde koni gbiikaa ya sãa nge gbee sunɔ, ma yiruse sãa nge naa buu. Itasen wuswaa sãa nge tɔnugia, ma nnese ya ka gunɔ bakeru weene te ta yɔɔwa. ⁸ Hunde koni nne yen baayere ya kasa nɔɔba tia tia mɔ, ma yi nɔni mɔ yam kpuro tɔɔwɔ ka sɔɔwɔ. Ba ra n womu mɔ kpeetim sari sɔɔ sɔɔ ka wɔkuru ba n mɔ,

Dɛero! Dɛero! Dɛero!

Meya Yinni Gusunɔ Dam kpurogii u sãa,
wi u raa wãa, wi u wãa, wi u maa sisi.

⁹ Sanam mɛ hunde koni be, ba yiiko ka bɛere ka takarun womusu nɔn kuammɛ wi u wãa ka baadommaɔ, ma u sɔ sina kita ten wɔllɔ, ¹⁰ sanam meya guro gurobu yenda nne ye, ba nɔn kpunammɛ ba nɔn sãamɔ. Ba maa ben furɔsu pwetirimɔ ba kasi mɔ sina kita ten wuswaaɔ ba mɔ,

¹¹ Gusunɔ besen Yinni, wuna a dam ka yiiko mɔ,

wuna sa ko bɛere wɛ.

Domi wuna a gãanu kpuro taka kua.

Wunen kɔrun saabuwa nu ka wãa nu wasi.

Ten saabuwa nu maa ka taka koora.

5

Tire kureru

ka Yãa kinɛ kpendu

¹ Wee na wa wi u sɔ sina kita ten wɔllɔ u tire kureru garu nɛni win nɔm geuɔ. Ba tire te yoruawa biru ka wuswaa, ma ba tu yĩrenu nɔɔba yiru koosi. ² Ma na wɔllun gɔrado damgii goo wa u gbãra ka dam u nɛɛ, wara yiiko mɔ u ka yĩre ni kusia kpa u tire kure te wukia.

³ Adama goo sari wi u wãa wɔllɔ n̄ kun mɛ temɔ n̄ kun mɛ tem sɔɔwɔ wi u kpãa u tire kure te wukia u mɛera ten sɔɔwɔ. ⁴ Na swĩ gem gem yèn sɔ goo sari wi u yiiko mɔ u ka tire kure te wukia u ten sɔ mɛeri. ⁵ Yera guro guro ben turo man sɔɔwa u nɛɛ, n ku swĩ. Wee, gbee sunɔ ge ga yara Yudan bweserun di, ge ga sãa nge kp̄ii kpaaru

Dafidin yenuə, ga tabu di, ga koo kpĩ gu yĩrenu nəba yiru ye kusia kpa gu tire te wukia.

⁶ Na mɛera ma na Yãa kinɛ kpɛndu wa ta yõ sina kitarun suunu sɔɔ, ma hunde koni nne ka guro guro be, ba tu sikerene. Yãa kinɛ kpɛm te, ta sãare ba ka tu yãkuru koore, ta kəba nəba yiru mə ka maa nɔni nəba yiru yi yi sãa Gusunən hundeba nəba yiru, be u gɔra handunia kpuro sɔɔ. ⁷ Yãa kinɛ kpɛm te, ta da win mi wi u sɔ̄ sina kitarə, ma ta tire kure te mwa win nəm geun di. ⁸ Ye ta kua mɛ, yera hunde koni nne ye ka guro gurobu yenda nne ye, ba kpuna Yãa kinɛ kpɛm ten wuswaaw. Ben baawure u mərəku mə ka wuran bweebu m̀ sɔɔ turare wãa ye ya sãa naane dokeobun kananu. ⁹ Ma ba wom kpəɔ kua ba m̀,

wuna a yiiko mə a ka tire kure te mwa
kpa a yĩre ni kusia.

Domi ba raa ka nun yãkuru kua.

Ma a Gusunən tɔmbu yakia ka wunen yem
saa bweseru baatere ka barum baamere
ka tɔmbu kpuro ka tem baameren min di.

¹⁰ A bu menna a kua ben sunə,
a bu kua Gusunə besen Yinnin yãku kowobu.

Ba koo bandu di handunia kpuro sɔɔ.

¹¹ Na kpam mɛera ma na wəllun gɔrado dabirun nə
nua, ben geera tura nərən nərən suba nərəbu. Ba sina
kita te ka maa hunde koni nne ye ka guro guro be
sikerene. ¹² Ba nɔɔgiru sua ba m̀,

Yãa kinɛ kpɛm te ba raa ka yãkuru kua,
ta tura bu ka tu yiiko wẽ,
ka dukia, ka yẽru, ka dam,
ka bɛere, ka girima, ka siarabu.

¹³ Ma na nua taka koorā kpuro, ye ya wāa wāllō ka temō, ka tem sōwō, ka nim wōku sō, ye ya wāa handunia sō kpuro gesi ya nōgīru sue ya mō, wi u sō sina kitarō ka Yāa kinē kpem te, beya ba siarabu ka bēere ka yiiko ka sinandu mō sere ka baadommaō.

¹⁴ Ma hunde koni nne ye, ya wura ya nne, ami. Ma guro guro be, ba kpuna ba sāaru kua.

6

Yīrenu

¹ Yera na wa Yāa kinē kpem te, ta yīrenu nōba yiru yen teeru kusia, ma na nua hunde koni ben turo gbāra nge gura u goo sōwā u nne, a yarima. ² Ye na mēera, yera na dum kaa wa. Wi u ye sōni u tendu neni, ma ba nūn sina furō dokea. U swaa wōri nge tabu dio wi u dō u kpam tabu diima.

³ Yera Yāa kinē kpem te, ta yīreru yiruse kusia, ma na nua hunde koni ben yiruse u goo sōwā u nne, a yarima.

⁴ Duma gaa kpam yara ya sāa dum swāa. Wi u ye sōni ba nūn dam kā u ka tabu yēbi handunia sō kpa tōmbu bu ka goona. Ma ba nūn takobi baka gaa wē.

⁵ Yera Yāa kinē kpem te, ta yīreru itase kusia, ma na nua hunde koni ben itase u goo sōwā u nne, a yarima. Na mēera ma na dum wōka wa. Wi u ye sōni u tongoro neni win nōmaō. ⁶ Ma na nōo gagu nua ga sāare ga wee hunde koni nne yen min di ga nne, alikama kilo tian geera sāa sōo teerun sōmburun gobi. Mēya maa wōsu kilo itan geera ne. Adama a ku gum ka tam sanku.

⁷ Yera Yāa kinē kpem te, ta yīreru nneese kusia. Ma na nua hunde koni ben nneese u goo sōwā u nne, a yarima.

⁸ Na mēera ma na wa dum berō wuruwa. Wi u ye sōni, win yīsira Gō, ma gōribun wāa yera nūn swīi. Beya ba yiiko

wē bu ka handunian bōnu nnese go ka takobi, ka gǝoru, ka baranu, ka maa gbeeku yeē yi yi wāa tem me sǝ.

⁹ Yen biru Yāa kinε kpem te, ta yīreru nǝobuse kusia. Ma na tǝmbun hundeba wa yāku yerun kǝkǝrǝ be ba go Gusunǝn gari ka seeda ye ba din sǝ. ¹⁰ Tǝmbun hunde beya ba gbāra ba nεε, Yinni dεero, gemgii, sere saa yerà a mara a ka handunian tǝmbu siri kpa a bu sεeyasia yèn sǝ ba sun go.

¹¹ Ba ben baawure yabe kpikiru sebusia, ma ba bu sǝǝwa bu wēro fiiko gina sere ben sǝm kowosibu ka begibun geeru tu ka yibu be n tie bu go, nge me ba maa be go.

¹² Na kparam mεera sanam me Yāa kinε kpem te, ta yīreru nǝba tiase kusia. Ma tem mu yīira ka dam, ma sǝǝ tīra niki niki nge beku wǝku sinumgiru, ma suru swēra kom kom nge yem. ¹³ Kperi maa wǝrukumǝ temǝ nge me gandun bii birenu ra dεrure sanam me woo damguu ga tu siramǝ. ¹⁴ Ma wǝlla kurura nge tireru ma guuru baatere ka tem bureru baatere nu sin yenu kǝsa. ¹⁵ Sanam meya handunian sinambu ka tem yērobu ka tabu sinambu ka atasiriba ka damgibu, tǝmbu kpuro gesi, yobu ka tii mǝwǝbu, ba tii berua kpee wǝrusǝ ka kpee baaba sǝ. ¹⁶ Ba guunu ka kpenu nǝguru mǝ ba mǝ, i sun sēsikio, i bere saa win wuswaan di wi u sǝ sina kitarǝ ka sere Yāa kinε kpem ten mǝrun di. ¹⁷ Domi ben mǝrun tǝǝ bembere te, ta tunuma. Wara u koo kpī u yǝra u tu ma.

7

Isirelin tǝmbu 144.000

¹ Yen biruwa na wǝllun gǝradoba nne wa ba yǝ handunian goonu nne sǝ ba handunian wosu nne neni, kpa woo gu ku ka ko tem sǝ, ka nimǝ, kpa gu ku dǝru garu yīiri. ² Na maa wǝllun gǝrado goo wa u wee saa

sōo yari yerun di, u Gusunō Yinni wason yīreru neni. U gōradoba nne ye nōogiru kua be Gusunō u dam kā bu ka tem ka nim wōku kōsa kua, ³ u nne, i ku handunia ka nim wōku ka dānu kōsa gaa kua sere su ka Gusunō besen Yinnin sām kowobu yīreru kua ben sirinō. ⁴ Yera ba man ben geeru sōowa Isirelin bibun bwesenu kpuro sōo bèn sirinō ba Gusunōn yīreru doke. Ba sāa tōnu nārōbun suba wunaa weeru ka nne (144.000). ⁵ Yudan bweseru sōo tōnu nārōbun suba wākura yiruwa (12.000) ba yīreru kua. Meya maa Rubenin bweseru sōo tōnu nārōbun suba wākura yiru. Gadin bweseru sōo tōnu nārōbun suba wākura yiru. ⁶ Aseēn bweseru sōo, tōnu nārōbun suba wākura yiru. Nefitalin bweseru sōo tōnu nārōbun suba wākura yiru. Manasen bweseru sōo tōnu nārōbun suba wākura yiru. ⁷ Simeōn bweseru sōo tōnu nārōbun suba wākura yiru. Lefin bweseru sōo tōnu nārōbun suba wākura yiru. Isakarin bweseru sōo tōnu nārōbun suba wākura yiru. ⁸ Sabulonin bweseru sōo tōnu nārōbun suba wākura yiru. Yosefun bweseru sōo tōnu nārōbun suba wākura yiru. Benyamēn bweseru sōo tōnu nārōbun suba wākura yiru.

Tōn wōru guna

⁹ Yen biru na kpm mēera ma na tōn dabi dabinu wa be goo kun kpē u gari. Ba yara saa tem baamere ka bweseru baatere ka tōmbu kpuro ka barum baameren min di. Be kpuro ba yōra sina kitaru ka Yāa kinē kpendun wuswaā, ba yabe kpikinu sebua, ma ba bāa kakosu neni nōmaā. ¹⁰ Ba nōogiru kua ba nne, besen faaba ya weewa Gusunō besen Yinnin min di wi u sōo sina kitarō, ka maa Yāa kinē kpem ten min di. ¹¹ Ma wōllun gōradoba kpuro ba yōra ba sina kita te ka guro guro be ka hunde koni nne ye sikerene. Yera ba kpuna sina kita ten wuswaā ba Gusunō sāmō ¹² ba nne, ami. Gusunō besen Yinniwa u siarabu ka girima

ka yēru ka takaru ka bεεε, ka dam, ka yiiko mō sere ka baadommaə. Ami.

¹³ Yera guro guro ben turo man bikia u nεε, berà beni be ba yabe kpikinu sebua. Man diya ba na.

¹⁴ Na wisa na nεε, na ò yē ni tənwero, wuna kaa n yē.

U man sōwa u nεε, tən beni ba yarimawa bōnε bakan di. Ba ben yabenu tea ba bururasia ka Yāa kinε kpem ten yem. ¹⁵ Yenin sōna ba yō Gusunən sina kitarun wuswaaə ba nùn sāamə wōkuru ka sōə sōə win sāa yerə. Wi u sō sina kitarə u koo bu win wāaru wukiri. ¹⁶ Ba ò maa gōru wasi, ò kun mε nim nōru. Sōə kun maa bu soomə, mēya maa yam susura kun bu wahala mō. ¹⁷ Domi Yāa kinε kpem te ta wāa sina kitarun suunu sōə, tera ta koo bu kpara, tu ka da wāarun bwiaə. Gusunə u koo maa bu ben nōni yīresu kpuro woka.

8

Yīreru nōba yiruse

¹ Sanam mε Yāa kinε kpem te, ta yīreru nōba yiruse kusia, ma yam mari Gusunə wōllə nge nōni kpakinu tenan saka. ² Yen biru na wōllun gōradoba nōba yiru wa be ba ra n yō Gusunən wuswaaə. Ba bu kōbi nōba yiru wē.

³ Yen biru wōllun gōrado goo na u yōra yāku yerun bōkuə u wuran bweebu neni ge ga turare mō. Ba nùn turare wē ya kpā u ka ye naanε dokeobun kananu menna yāku yee wuragirun wōllə te ta wāa Gusunən sina kitarun wuswaaə. ⁴ Turare yen wiisu seewa wōllə Gusunən wuswaaə ka naanε dokeobun kananu sannu saa gōrado win nōman di. ⁵ Yera gōrado wi, u turaren bweebu ge sua u gu dōə yibia saa yāku yeru min di, ma u gu kōəma temə. Sanam mε sōra guru gbāsukunu na ka wurenu ka guru maakinu ka maa tem yīribu.

Kɔbi

⁶ Yen biru wəllun gɔradoba nɔɔba yiru be ba kɔbi nɔɔba yiru ye neni, ba sɔru kua bu ka yi so.

⁷ Gɔrado gbiiikoo u win kɔba so. Yera guru kpenu ka dɔɔ ka yem sannu n burina, ma ya nɛera ka dam saa wəllun di. Ma tem bɔnu itase ya dɔɔ mwaara ka dāan bɔnu itase ka maa yaka bekusu kpuro.

⁸ Ma gɔrado yiruse u win kɔba so. Ma gāa ni nu sāare nge guu bakaru te ta dɔɔ mwaamɔ, ba nu kasa kua nim wɔku sɔɔ. Nim wɔkun bɔnu itase ya gɔsira yem, ⁹ ma hunde koniba kpuro be ba wāa nim wɔku sɔɔn bɔnu itase ba gu, goo nimkusu kpuron bɔnu itase ya maa kam kua.

¹⁰ Yen biru, gɔrado itase u win kɔba so. Yera kperi baka gaa ye ya dɔɔ yabure nge wii bɔndu, ya wɔruma wəllun di daru kokin bɔnu itase sɔɔ ka maa bwii sɔɔ. ¹¹ Wee, kpera yen yīsira sosubu. Ma nim men bɔnu itase sosia ma tɔn dabira gu ye ba nim mɛ nɔra yèn sɔ mu sosia.

¹² Yen biru gɔrado nnese u win kɔba so. Yera sɔɔn bɔnu itase ka surun bɔnu itase ka kperin bɔnu itase tīra, ma sɔɔ sɔɔn bɔnu itasen yam bururam kun maa wāa, mɛya maa wɔkurun bɔnu itasen yam bururam.

¹³ Na kpam mɛera ma na gunɔ bakerun swīi nua ta yɔɔwa sere sere Gusunɔ wəllɔ ta gbāramɔ too too ta mɔ, waiyo, waiyo, amɔna handuniagibun nɔni swāara koo nɛra sanam mɛ gɔradoba ita be ba tie ba koo ben kɔbi so.

9

¹ Yen biru gɔrado nɔɔbuse u win kɔba so. Ma na kpera wa ye ya raa wɔruma temɔ saa wəllun di, ba ye wɔru bɔko nɔru sariruguun kɔkɔrɔ wɛ. ² Kpera ye, ya wɔru ge wukia ma wiisu yara nge dɔɔ bokon wiisu, ma sɔɔ ka wom tīra wɔru gen wii sin saabu. ³ Ma twee yi yarima wii sin min di yi teria temɔ, ma ba yi dam kā nge nian bwāaru. ⁴ Ba

yi wooda wē yi ku yakasu sanku, ñ kun me gāa bekunu, ñ kun me dāru garu ma n kun mō tōn be ba kun Gusunōn yīreru mō ben sirinō. ⁵ Twee yi, yi ñ wooda wa yi ka tōmbu go ma n kun mō yi bu nōni sō sere suru nōobu. Nōni swāa ten wuriribu sāawa nge nia yà n tōnu toban wuriribu. ⁶ Suru nōobu ye sō, tōmba koo gōo kasu adama ba ñ wasi. Ba koo gōo kīa adama u koo bu duka suuri.

⁷ Twee yi, yi sāawa nge dumi yi ba sōoru kua tabun sō. Yin winō gāanu wāa nge furō wuragisu, ma yin wuswēe sāa nge tōmbugii. ⁸ Yin serum sāa nge tōn kurōbun seri, ma yin donnu sāa nge gbee sunōginu. ⁹ Yin toronu maa sāawa nge tarakpe sisuginu, ma yin kasan wurenu sāa nge keke sisugii yi dum dabinu gawe tabu sō. ¹⁰ Yi sinu mō ka sōsōnu nge nia, sii ni sōora dam wāa yi ka tōmbu nōni sō suru nōobu. ¹¹ Yi sunō mō yin suunu sō wi u sāa wōru bōkō nōru sariruguu gen gōrado wirugii. Win yīsira ka Heberum Abadoni. Ka Gerēkim maa wiya ba mō, Apolioni.

¹² Tē, ye gbee swāa gbiikira doona n tie gbee swāanu yiru ni nu sisi.

¹³ Yera gōrado nōoba tiase u win kōba so. Ma na nōo gagu nua saa yāku yee wuragirun kaanu nnen di te ta wāa Gusunōn wuswāa. ¹⁴ Nōo ge, ga gōrado nōoba tiase wi u kōba neni sōōwa ga nē, a gōradoba nne ye yōsuo be ba bōkua daa baka ten mi te ba mō Efarati. ¹⁵ Yera ba gōradoba nne ye yōsu be ba sōoru sāa wōo gen suru win tōo ten kōba yen sō ye Gusunō u yii bu ka handunian bōnu itasen tōmbu go. ¹⁶ Ba man tabu kowo be ba dumi sōnin geeru sōōwa. Ba nē, ba sāawa yako goobu (200.000.000). ¹⁷ Me na dumi ka yin maasōbu waasina nen kāsiru sōo wee. Ba tarakpenu doke ni nu sōri nge dōo, ma nu boogu sāa nge bura, ma nu maa sāa nge sōo bisu. Dumi yin winu sāa nge gbee sunōn wiru, ma yin nōon di dōo ka wiisu

ka s̄ō bisu yarimō. ¹⁸ Handunian bōnu itasen tōmbu ba gu gāa sēsəginu ita yen saabu, d̄ō, ka wiisu, ka s̄ō bisu, ye ya yarimō dumi yin n̄sun di. ¹⁹ Domi dumi yin dam wāawa yin n̄sō ka maa yin sinō. Yin sinu sāawa nge wεε, nu winu mō. Niya yi ra ka tōmbu n̄ni s̄ō.

²⁰ Handunian tōmbu be ba tie, be ba kun gu ka gāa sēsəgii ni, ba ñ ḡōru ḡosie, bu ye ba ka nōma kuan sāaru deri, ka Setam bwāabu ka būu ni ba kua ka wura ka sii geesu ka sii gandu ka kpenu ka dāa, ni nu kun kp̄ē nu gari nō, nu ñ maa kp̄ē nu yam wa, nu sere sī. ²¹ Meya maa t̄n be, ba ñ ben t̄n goberu deri ka ben dobo dobo, ka ben k̄ō mennabu tantanaru s̄ō, ka ben gbena.

10

Wollun ḡrado

ka tire kure piibu

¹ Na maa kpam wollun ḡrado dangii goo wa u saram wee wollun di. Guru wira n̄n wukiri, guru waa win wiru t̄ēke, win wuswaa ballimō nge s̄ō, ma win naasu s̄are d̄ō yari. ² U tire kure piibu gagu neni ga wukiare win n̄muō. U win n̄m geun n̄ō s̄ndi nim w̄kun w̄llō, ma u maa n̄m dwaruguu s̄ndi temō, ³ ma u kukura nge gbee sun̄n swīi. Ye u kukura u kpa, yera guru kukiribu n̄ōba yiru ya n̄ōra. ⁴ Ye guru kukiri bi, bu n̄ōra bu kpa, mii mii na s̄ōru kpa n ka gari yi yore. Adama na n̄ō gagu nua saa wollun di ga n̄ε, ye guru kukiribu n̄ōba yiru ye, ya gerua a ku ye yore. A gari yi nenuō asiri s̄ō.

⁵ Yera ḡrado wi na raa wa u ȳō tem s̄ō ka nimō, u win n̄m geu yiiya w̄llō, ⁶ ma u b̄rua ka Gusun̄n yīsiru wi u wāa sere ka baadommaō, wi u w̄llu ka ten gāanu taka kua, ka tem ka men gāanu ka maa nim w̄ku ka gen gāanu. Ḡrado wi, u gerua u n̄ε, saa kun maa denyasiarō.

⁷ Adama sanam me gɔrado nɔɔba yiruse u koo win kɔba so, sanam meya Gusunɔ u koo win himba ye goo kun yɛ yibia nge me u raa win sɔmɔbu sɔɔwa.

⁸ Yen biruwa nɔɔ ge na raa nua wɔllun di ga ka kpam man gari kua ga nɛɛ, a doo a tire kure piibu ge ga wukiare mi mwa gɔrado win nɔmun di wi u yɔ tem ka nim wɔllɔ.

⁹ Na da gɔrado win mi, na nɔn kana u man tire kure piibu ge wɛ. Ma u man sɔɔwa u nɛɛ, n gu mɔɔ n tem n mwe. Ga koo sosia nen nukurɔ, adama nen nɔɔwɔ ga koo dorawa nge tim.

¹⁰ Na tire kure piibu ge mwa win nɔmun di, ma na gu tema. Geema, nen nɔɔwɔ ga dorawa nge tim, adama ye na gu mwe na kpa, ga sosiawa daka daka nen nukurɔ.

¹¹ Yera ba man sɔɔwa ba nɛɛ, kon kpam Gusunɔn gari gere tɔn dabiru ka tem dabinun sɔ, ka bwese dabiru ka maa sinam dabinun sɔ.

11

Seeda diobu yiru

¹ Yen biru, ba man yīrutia gaa wɛ, ye ya sãa nge dɛka ma ba man sɔɔwa ba nɛɛ, n seewo n da n Gusunɔn sãa yeru yīire ka yãku yeru, kpa n bu gari be ba sãaru mɔ mi.

² Adama n ku yen tɔɔ yaara yīire, domi ba ye tɔn tukobu kã be ba koo wuu dɛɛrɔ taaku sere suru weeru ka yiru. ³ U koo de win seeda diobu yiru bu win gari gere ba n saakiba sebua, sere sɔɔ nɔrɔbu ka goobu ka wata (1.260).

⁴ Seeda diobu yiru ye, ba sãa olifin dãnu yiru ye, ka dabunu yiru ni nu yɔ Gusunɔ tem kpuron Yinnin wuswaaɔ. ⁵ Goo ù n kī u bu kɔsa kua, dɔɔwa ra yari ben nɔsun di u ben yiberɛba kpeerasia, nge meya wi u kasu u bu kɔsa kua, u koo ka gbi. ⁶ Ba dam mɔ bu ka wɔllu kenɛ, gura yu ku ka nɛ saa ye ba Gusunɔn gari gerumɔ. Ba maa dam mɔ nim wɔllɔ bu ka mu gɔsia yem. Ba maa kpam

dam mɔ bu ka handunia bara bwese bweseka kpɛɛ nge men nɔɔ ba kɪ.

⁷ Sanam mɛ ba koo seeda di bu kpe, yera gbeku yaa ye ya yara wɔru nɔru sariruguu gen min di ya koo ka bu tabu ko, yu bu kamia kpa yu bu go. ⁸ Ben gonu ko n kpɪ wuu bɔkɔ gen swaa sɔɔ, wuu mi ba ben Yinni dɔa bunanaru kpare. Wuu gen yɪsira ba weenasina ka Sodomu, ñ kun mɛ ka Egibiti. ⁹ Tɔn dabinu saa handunian tɔmbu kpuron min di ka bwesenu kpuron di ka barum baamɛren di ka sere tem kpuron di ba koo ben gonu mɛeri sɔɔ ita ka bɔnu, ba ñ koo wura bu bu sike. ¹⁰ Handunian tɔmbun nukura koo dora, ba koo tɔɔ bakaru ko kpa bu kɛnu mɔrisiana yɛn sɔ Gusunɔn sɔmɔbu yiru be ba raa handuniagibu tɔya kua mi, ba gu. ¹¹ Sɔɔ ita ka bɔnu yen biru, Gusunɔ u kpam goo ni wɛsɪa wɔarugiru wesia, ma nu seewa nu yɔra. Bɛrum bakam tɔn be kpuro mwa be ba nu wa. ¹² Yera Gusunɔn sɔmɔbu yiru ye, ba nɔɔguru nua wɔllun di ba nɛɛ, i yɔɔma gee. Ba yɔɔwa wɔllɔ guru wiru sɔɔ sanam mɛ ben yiberɛba ba bu mɛera. ¹³ Mii mii ma tem yɪira gem gem, ma wuu gen bɔnu wɔkuruse ya wɔruma. Tɔn be ba gu tem yɪiru bi sɔɔ, ben geera sɔa tɔnu nɔrɔbun suba nɔɔba yiru (7.000). Tɔn be ba tie, ma ba nanda gem gem, ma ba Wɔrukoo bɛɛɛ wɛ.

¹⁴ Tɛ, gbee swɔa yirusera doona, wee itasera nɔɔ kɔruma.

Kɔba nɔɔba yiruse

¹⁵ Yen biru wɔllun gɔrado nɔɔba yiruse u win kɔba so. Yera nɔɔ damgisu nɔɔra Gusunɔ wɔllɔ su nɛɛ, handunia yenin banda kua Gusunɔ bɛsɛn Yinni ka win Kirisigiru. U ko n bandu dii sere ka baadommaɔ. ¹⁶ Sanam mɛya guro gurobu yenda nɛɛ ye, be ba sɔ ben sina kitanu wɔllɔ Gusunɔn wuswaaɔ, ba kpuna ba Gusunɔ sɔamɔ ¹⁷ ba mɔ, Gusunɔ Yinni dam kpurogii,

wunε wi a wāa tē,
 a raa maa wāa,
 sa nun siaramō
 yèn sō a wunen dam bakam denda,
 ma a wunen ban dibu torua.
¹⁸ Handuniagibu ba mōru besira.
 Ma wunen mōru ya tunuma.
 Saa ya tura bu ka gōribu siri.
 Saa maa tura bu ka wunen sōmōbu are wē,
 ka be ba nun naanε doke
 ka be ba wunen yīsiru nasie, baka ka buu.
 Saa maa tura bu ka bu kam koosia
 be ba handunia kam mō.

¹⁹ Yera ba sāa yee te ta wāa Gusunō wōllō kenia ma woodan kpakorora tera win sāa yee te sōō. Ma guru maakinu wāa mi, ka wurenu, ka guru gbāsukunu ka tem yīirubu, ka maa guru kpee bakanu.

12

Kurō goo ka yaa binti bintiru

¹ Yera yīre bakaru gara sōōsira Gusunō wōllō. Kurō goo wāa mi, sōōwa sāa win yaberu ma u suru yōrari ma u furō kperi wākura yiruguu doke. ² Kurō wi, u gura mō, marubun wahala ka nuku wuriribu dera u wuri mō.

³ Yera yīreru gara kpam sōōsira Gusunō wōllō. Yaa binti binti swāaru garu ta wāa mi, ta winu nōōba yiru mō ka kōba wākuru ma ta sina furōsu nōōba yiru doke. ⁴ Yaa ye, ya ka yen siru wōllun kperin bōnu itase wōka ya kō temō. Ma ya da ya yōra kurō win wuswaas wi u kī u ma mi, yu ka wa yu win bii tem ù n wōruma. ⁵ Yera kurō wi, u bii tōn durō mara wi u koo bwesenu kpuro kpara ka sii bokuru. Adama ba bii wi mwa ba ka nūn da Gusunōn mi, mi u sō win sina kitarō. ⁶ Kurō wi, u maa duka doona gbaburu

gia mi Gusunɔ u nùn ayeru sɔɔru kua bu ka nùn nɔɔri sɔɔ nɔɔɔbu ka goobu ka wata (1.260).

⁷ Yera tabu seewa wɔllu mi, Miseli Gusunɔn gɔradoban wirugii ka win gɔradoba ba tabu kua ka yaa binti binti te. Yaa ye, ka yen bwāa be, ba tabu kua. ⁸ Adama ba bu tabu di, ba n wure yaa ye, ka yen bwāabu ba n wāa wɔllu mi. ⁹ Ba yaa binti binti bembere te kasa kua temɔ. Yaa ye, ya sāawa gasɔ gasɔn waa ye ba mɔ Yibirisi, n kun mɛ Setam, ye ya handuniagibu kpuro nɔni wɔkua. Ba ye kasa kua temɔ ka yen gɔradoba sannu.

¹⁰ Yen biru, ma na nɔɔgiru garu nua wɔllɔ ta nɛɛ, tɛ sɔɔra Gusunɔ besen Yinni u ka faaba na. Win dam ka win banda sɔɔsira, ka win Kirisin yiiko. Domi ba besegibun mem manio kasa kua wɔllun di wi u ra n bu mem manimɔ bururu ka yoka Gusunɔn wuswaaɔ. ¹¹ Besegii be, ba nùn tabu di ka Yāa kine kpem ten yem ka ben seedan gari. Ba n ben wāaru garisi gāanu, ba tu gɔɔ deria. ¹² Yen saabu, wɔllu ka wɔrukobu i nukuru doro. Adama tem ka nim wɔkun gbee swāara ko n kpā! Domi Setam ya bɛɛ sarema ka mɔru baka yèn sɔ ya yɛ ma saa fiikowa n ye tie.

¹³ Ye yaa ye, ya wa ma ba ye kɔwa temɔ, yera ya kurɔ wi nɔni sɔɔbu wɔri wi u bii tɔn durɔ mara mi. ¹⁴ Adama ba kurɔ wi gunɔ bake bakarun kasa yiru wɛ u ka yɔ sere win ayerɔ gbaburɔ mi n toma waa yen bɔkun di, mi ba koo nùn nɔɔri saa ita ka bɔnu. ¹⁵ Yera waa ye, ya yen nɔɔ wukia ma ya nim sia nge daa bakaru kurɔ win biruɔ kpa u ka nim diira. ¹⁶ Adama tem mu kurɔ wi faaba kua, mu mɛn nɔɔ baaya mu nim mɛ mwe mɛ mu yara yaa yen nɔɔn di. ¹⁷ Sanam mɛya yaa ye, ya ka kurɔ wi mɔru bara gem gem, ma ya da yu ka win bwese te ta tie tabu ko, be kpuro be ba Gusunɔn wooda mem nɔɔwammɛ, be ba Yesun seeda dimɔ. ¹⁸ Ma yaa ye, ya da ya yɔra yani sɛeri sɔɔ nim wɔkun goorɔ.

13

Gbeeku yεε yiru

¹ Yen biruwa na gbeeku yaa gaa wa ya yariɔ nim wōkun di. Ya kōbi wōkuru mō ka winu nōɔba yiru, ma sina furɔ ga wāa kōbi yin baayeren wōllɔ, ma yīsi kōsunu yorua yen winɔ. ² Gbeeku yaa ye na wa ya sāa nge musuku gbeeku, ma yen naasu sāa nge wōm gbārogisu, yen nōɔ ga maa sāa nge gbee sunɔguu. Yaa binti binti te, ta ten tiin dam gbeeku yaa ye wē ka maa ten sina kitaru ka ten yiiko baka. ³ Gbeeku yaa yen wii teeru ta sāare ta mēera wa goo gookum, adama mēera ye, ya bekura. Handuniagibu kpuro ba ye mēera ka gidi, ma ba ye swīi. ⁴ Tōmbu kpuro ba yaa binti binti te sāwa yèn sō ta ten yiiko gbeeku yaa ye wē. Ba maa gbeeku yaa ye sāwa ba m̀, wara sāa nge gbeeku yaa yeni. Wara koo kpī u ka ye tabu ko.

⁵ Ba dera gbeeku yaa ye, yu woo kana gari ka gari kam gere, ba maa ye yiiko kā yu ka yegiru ko suru weeru, ka yiru. ⁶ Yera ya yen nōɔ wukia ya Gusunɔ gari kam gerusim wōri ka maa win yīsiru, ka win wāa yeru, ka be ba wāa wōllɔ. ⁷ Ba ye swaa kā yu ka naanε dokeobu tabu ko kpa yu bu tabu di. Ba maa ye yiiko wē bweseru baateren wōllɔ, ka tōmbu kpuro ka barum baamere ka tem baamere. ⁸ Bèn yīsinu ba n̄ yorua bu sere handunia tore, wāarun tireru sɔɔ te ta sāa Yāa kinε kpendugiru te ba ka yākuru kua, beya ba koo gbeeku yaa ye sā.

⁹ N̄ n̄ mēn na, baawure wi u swaa mō, u nōɔwɔ. ¹⁰ Wi ba koo pirisəm mwa, pirisəmwa ba koo n̄n̄ mwa. Wi ba koo go ka takobi, takobiwa ba koo ka n̄n̄ go. Saa ye sɔɔ, n̄ weenε naanε dokeobu ba n̄ temanε ben naanε dokebu sɔɔ.

¹¹ Yen biruwa, na kpam gbeeku yaa gaa wa ya yariɔ tem sɔɔn di. Ya kōbi yiru mō nge yāa kinε kpendun kōbi, ma ya gari m̀ nge yaa binti bintiru. ¹² Yaa gbiikaa ya dera ya

yen yiiko dendimə yen nəni biru. Ya tem ka men tumbu tilasi kua bu ka yaa gbiikaa ye sā ye ba raa mēera kua goo gookum, ma ya bəkura. ¹³ Yaa yiruse yeni ya maamaaki dabinu kua, sere ya dera dōo u sarama wəllun di temə təmbun wuswaaə. ¹⁴ Ya handunian tumbu nəni wōkua ka maamaaki yèn yiiko ba ye wē yu ko yaa gbiikaa yen nəni biru. Ya handuniagibu sōomə bu yaa gbiikaa yen weenasia koowo ye ba raa ka takobi mēera kua, ma ya kun gu. ¹⁵ Yaa dāaka ye, ya yiiko wa yu ka yaa gbiikaan weenasia ye wēsia wāarugiru wē yu ka kpī yu gari ko nge tənu, kpa yu be ba yina bu ye sā kpuro go. ¹⁶ Ma yaa ye, ya tumbu kpuro tilasi kua, damgibu ka bwēebwēebu, gobigibu ka sāarobu, yobu ka tii məwəbu bu ka bu yīreru kua ben nəm geuə n̄ kun mē ben sirinə. ¹⁷ Goo sari wi u koo kpī u dwe n̄ kun mē u dora ma n kun mə ka gbeeku yaa yen yīreru te ta sāa yen yīsiru, n̄ kun mē yen yīsirun damba.

¹⁸ Ye ya bwisi bikiamə wee. Baawure wi u bwisi mə u koo kpī u gbeeku yaa yen damban tubusianu gia. Domi damba ye, ya sāawa tənu goon damba. Yeya nata ka wata ka nəəba tia (666).

14

Be ba yakian womu

¹ Yen biruwa na mēera ma na Yāa kinε kpem te wa ta yō Siənin guuru wəllə. Tənu nəwəbun suba wunaa weeru ka nne (144.000) ba ka n̄n wāa mi, be ba win yīsiru ka win Baaban yīsiru yorua ben sirinə. ² Ma na nəə gagu nua wəllun di nge surun bakarun wurenu, nge guru gbāra bakabu. Nəə ge na nua ga sāawa nge ni mərəku sowoba soomən swīi. ³ Ba yō sina kitarun wuswaaə, mi hunde koniba nne ye ka guro guro be, ba wāa. Ba womu kpəə

mò ge goo kun kpẽ u gia ma n kun mɔ tɔnu nɔrɔbun suba wunaa weeru ka nne be ba yakia handunian di.

⁴ Tɔn be, ba sãa be ba tii nenua dɛeraru sɔɔ, ba ñ kuro damaru koore. Ba Yãa kinɛ kpem te swiwa baama kpuro mi ta dɔɔ. Ba bu yakiaawa saa tɔmbun suunu sɔɔn di ba n ka sãa nge yãku gbiikii te ba Gusunɔ ka Yãa kinɛ kpem te kua. ⁵ Goo kun weesu nɔɔre ben nɔɔn di, ba sãawa taare sarirugibu.

Wollun gɔradoba ita

⁶ Yera na kpam wollun gɔrado goo wa u yɔɔwa sere sere Gusunɔ wollo, wi u koo Labaari gea ye ya ku ra kpe kpara handuniagibun mi, tem baamere ka bweseru baatere ka barum baamere ka tɔmbu kpuron mi. ⁷ U nɔɔgiru sua u nɛɛ, i Gusunɔ nasio kpa i nùn bɛɛɛ wẽ, domi saa ya tura u ka tɔmbu kpuro siri. I nùn sãawɔ wi u wollo ka tem taka kua ka nim wɔku ka bwii.

⁸ Wollun gɔrado yiruse u gbiikoo swi u nɛɛ, Babiloni, wuu bɔkɔ ge, ga wɔruma, ga wɔruma, ge, ge ga tɔmbu kpuro tilasi kua ba ka gen daa berɛtɛkɛ bakan tam nɔra.

⁹ Gɔrado itase u gbiikobu yiru ye swi, ma u nɔɔgiru sua u nɛɛ, baawure wi u gbeeku yaa ye sãamɔ ka yen weenasia, ma u yen yisiru mɔ win sirirɔ ñ kun mɛ win nɔmuɔ, ¹⁰ wiya u koo maa Gusunɔn mɔrun tam nɔ mɛ u koo wisi ka men dam win mɔrun nɔra sɔɔ. Baawure wi u mɔ nge mɛ, u koo tɔya wa dɔɔ ka sɔɔ bisu sɔɔ, gɔrado dɛerobu ka Yãa kinɛ kpem ten wuswaaɔ. ¹¹ Dɔɔ wi u nùn tɔya mɔ win wiisu su ko su n seemɔwa wollo ka baadommaɔ. Ba ñ ko ba n maa wɛrabu mɔ bururu ka yoka, be ba gbeeku yaa ye sãawa ka yen weenasia, ka be ba yen yisirun yireru mɔ.

¹² Gari yi sɔɔ, n weenɛ naane dokeobu bu tɛmana, be ba Gusunɔn wooda mem nɔɔwa ma ba Yesu naanɛ kua.

¹³ Yen biru na kparam nɔɔ gagu nua wɔllun di ga nɛɛ, n yeni yoruo, doo nɔɔrugiba be ba gbimɔ saa tɛn di Yinnin naane dokebu sɔɔ. Gusunɔn Hunde gerumɔ u mɔ, meya ni, ba koo wɛra, domi ben sɔm geerun are koo bu swii.

Handunian gɛɛbu

¹⁴ Yen biru na mɛera ma na guru wii kpikiru wa, goo sɔ mi nge tɔnun bii. Yɛro sina furɔ wuraguu doke win wirɔ, ma u kɔmbɔ neni ge ga nɔɔ do. ¹⁵ Wɔllun gɔrado goo u yara sɔa yerun di, ma u wi u sɔ guru wiru wɔllɔ nɔɔguru sua u nɛɛ, a wunen kɔmbɔ suo a gɛ, domi gɛɛbun sanam mu tura, handunia ya ye bu ka gɛ. ¹⁶ Yera wi u sɔ guru wiru wɔllɔ u win kɔmbɔ doke handunia sɔɔ, ma u ye gɛ.

¹⁷ Gɔrado goo kparam yara sɔa yerun di te ta wɔa wɔllɔ, win tii maa kɔmbɔ neni ge ga nɔɔ do.

¹⁸ Gɔrado goo maa yarima saa yɔku yerun di, wi u dam mɔ dɔɔn wɔllɔ. U gbɔra tɔa tɔa u wi u kɔmbɔ nɔɔ durorɔ neni sɔɔwa u nɛɛ, a wunen kɔmbɔ dokeo kpa a handunian dɔa bii ni ba mɔ resɛm sɔri, domi nu ye. ¹⁹ Gɔrado wi, u win kɔmbɔ doke ma u dɔa binu sɔra. Ma u nu wisi Gusunɔn mɔru bakan dɔa bii gama yerɔ. ²⁰ Ba resɛm dɔa bii ni gama nin gama yerɔ wuun biruɔ. Ma dɔa bii gama yee ten min di yɛm mu koka mu teria sere kilo gooba wunɔbu (300), ma mɛn dukum maa tura sere dumin toro gɛndɛɔ.

15

Wɔllun gɔradoba

ka gbee swɔa dɔa kinu

¹ Yen biru, na kparam yireru garu wa Gusunɔ wɔllɔ, ta kpɔ ma ta berum mɔ. Ye na wa wee. Wɔllun gɔradoba nɔɔba yiru ba gbee swɔanu nɔɔba yiru neni. Niya nu sɔa

gbee swāa dāakinu, domi ni sōra Gusunōn mōru ya koo ka kpe.

² Yera na gāanu wa ni nu sāare yeru dikiguu ge ga burine ka dōō. Na maa tōn be wa be ba gbeeku yaa ye ka yen weenasia, ka yen yīsirun damba tabu di. Tōn be, ba yō yeru gen wōllō ba mōrōkunu neni ni Gusunō u bu wē. ³ Ba Mōwisi Gusunōn sōm kowon womu mō ka maa Yāa kinē kpenduguu ba mō,

“Yinni Gusunō dam kpurogii,
wunen sōma kpā, ya maa sāa maamaaki.

Wuna a tem kpuron sina boko.

Wunen swēē yi sāa gem, yi dēnde.

⁴ Yinni, wara kun wunen berum mō.

Wara koo yina u wunen yīsiru bēere wē.

Domi wunē turowa a sāa dēero.

Tem baameren tōmba koo na wunen mi, bu nun sā.

Domi baawure u wunen sōm geenu wa.”

⁵ Yen biru na mēera na wa ba sāa yeru kenia Gusunō wōllō mi win kuu bekurugira wāa. ⁶ Wōllun gōradoba nōōba yiru be ba gbee swāanu nōōba yiru neni mi, ba yara sāa yee ten min di. Ba yāa kpikinu sebua ni nu dēere wasa wasa ma ba kpaki wuragii sēke ben gāasō.

⁷ Yera hunde koniba nne ben turo u gōrado nōōba yiru ye yoruku wuraginu nōōba yiru wē ni nu Gusunōn mōru yiba. Gusunō u sāawa Yinni wi u wāa sere ka baadommaō.

⁸ Ma sāa yee te, ta wiisu yiba Gusunōn yiiko ka win dam sō. Goo kun maa kpē u du mi sere wōllun gōradoba nōōba yirun gbee swāanu nōōba yiru ye, yu ka wiru goora.

¹ Yera na nāogiru garu nua saa s̄a yee ten min di ta w̄ollun ḡorado be s̄ōwa ta n̄ε, bu doo bu Gusun̄on m̄orun yorukunu n̄ōba yiru wisi handunia s̄ō.

² Ḡorado ḡbiikoo u da ma u win yoruku wisi tem̄o. Yera bwisi tobi bu wisi nge f̄or̄onu be ba ḡbeeku yaa yen ȳireru m̄o ba yen weenasia s̄āam̄o.

³ Sanam m̄eya ḡorado yiruse u win yoruku wisi nim w̄ku s̄ō. Nim m̄ε, mu ḡsia nge t̄on gorun yem, ma hunde koni baayere ya gu nim m̄ε s̄ō.

⁴ Yera ḡorado itase u win yoruku wisi daa bakanu ka bwii s̄ō, ma nim mu ḡsia yem. ⁵ Ma na ḡorado winin n̄ō nua wi u dam m̄o nim w̄ll̄o, u n̄ε, D̄εero, wunε wi a w̄ā, a raa maa w̄ā, wuna a s̄ā gemḡii a ka siri m̄esum.

⁶ Domi ba naanε dokeobu ka Gusun̄on s̄om̄obun yem yari, ma a bu yem w̄ε bu n̄o. M̄eya ba ka weenε. ⁷ Yen biru na n̄ō gagu nua saa ȳaku yeru min di ga n̄ε, geema Gusun̄o Yinni dam kpuroḡii, wunen siribu s̄ā gem bu maa dende.

⁸ Yera ḡorado nn̄ese u win yoruku wisi s̄ō w̄ll̄o, ma s̄ō u dam wa u ka t̄ambu d̄ō kpakiri. ⁹ Ma t̄amba d̄ō kpakirira yam susu bakarun s̄ō. Ma ba Gusun̄on ȳisiru gari kam gerusi wi u yiiko m̄o ḡbee sw̄ā nin w̄ll̄o. Adama ba yina bu ḡru ḡsia bu n̄n̄ beere w̄ε.

¹⁰ Yera ḡorado n̄ōbuse u win yoruku wisi ḡbeeku yaa yen sina kitaru w̄ll̄o. Ma n̄ kua yam w̄kuru ketem yen bandun tem s̄ō. Ma t̄ambu ba ben yari temm̄o wuriribun s̄ō. ¹¹ Ma ba W̄rukoo gari kam gerusi ben wuriribu ka bwisinun s̄ō. Adama ba yina bu ben kom k̄sum deri.

¹² Yera ḡorado n̄ōba tiase u win yoruku wisi daa bakaru s̄ō te ba m̄o Efarati, ma ta ḡbera mam mam tu ka s̄ō yari yerun sinambu swaa k̄ε bu t̄obura. ¹³ Ma na w̄rekunu ita wa ni nu tii ḡsia nge surenu, nu yarim̄o yaa binti binti ten n̄ōn di ka ḡbeeku yaa yen n̄ōn di ka maa s̄om̄o weesugiin n̄ōn di. ¹⁴ W̄reku ni, nu s̄āwa

Setam bwāabu, be ba maamaaki m̀, ma ba d̄o handunia kpuron sinambun mi bu ka bu menna bu tabu ko Gusun̄o Yinni dam kpurogiin siribun t̄ru s̄o.

¹⁵ Ma Yesun n̄o ga n̄ora u n̄e, wee, na sisi nge gb̄en̄o. Doo n̄orugiiwa wi u swaa m̄era ma u win yānu kparenu s̄ā u ku ka swaa w̄ori tereru kpa u sekuru wa batuma s̄o.

¹⁶ Yera w̄ereku ni, nu sinambu kpuro menna gam gum mi ba ra soku ka Heberum Aamagedom.

¹⁷ Yen biru, ḡrado n̄oba yiruse u win yoruku wisi wom dirum s̄o. Ma n̄ogiru gara n̄ora sina kitarun di s̄ā yer̄o ta n̄e, gari kpa. ¹⁸ Yera guru maakinu seewa ka wurenu ka guru gb̄asukubu ka tem yīru bakabu. Tem yīru bin kp̄ara banda. Bin bweseru ta ñ koore saa m̄in di ba t̄nu taka kua. ¹⁹ Wuu b̄k̄o ge, ga kurana wasi ita, ma t̄n tukobun wusu su w̄ruka. Gusun̄o u Babiloni, wuu b̄k̄o ge yaaya ma u gu win m̄aru bakan n̄oran tam w̄e gu n̄o. ²⁰ Tem burenu kpuro nu doona, guunu kun maa waar̄o. ²¹ Yera guru kpee bakanu, n̄n teera kilo weeru tura, nu t̄mbu w̄riki w̄llun di. Ma ba Gusun̄o gari kam gerusi guru kpee nin n̄ni sw̄aarun s̄o domi n̄ni sw̄ā te, ta banda.

17

Kur̄o tan̄o kpoko

¹ Yera ḡradoba n̄oba yiru be ba yorukunu n̄oba yiru ye n̄ni, ben turo u na u man s̄ōwa u n̄e, n na u koo man s̄ōsi nge m̄e ba koo ka kur̄o tan̄o kpoko wi siri bu s̄eyasia wi u s̄o nim bakam w̄ll̄o. ² Handunian sinamba ka kur̄o tan̄o kpoko wi daa ber̄eteke kua, ma kur̄o tan̄o win daa ber̄eteken tam mu handunian t̄mbu laakari bira.

³ Sanam meya ḡrado wi, u n̄en bw̄era sua k̄asi k̄sikum u ka da ḡbabur̄o. Miya na kur̄o goo wa u s̄o gb̄eeku yaa sw̄ā gaan w̄ll̄o. Yen baama ba yīsi k̄s̄unu yorua ma ya winu n̄oba yiru m̄o ka k̄obi w̄kuru. ⁴ Kur̄o wi, u yānu

sebua ni nu kərənno ka swāa tobe sāa, ma u buraru kua ka wura ka goo kpee gobi bekeginu ka goo kpikinu. U wuran nōra neni win nōmao yè sōo gāa kōsunu ka win kurō tanō disi yiba. ⁵ Win sirirō yīsiru gara yorua tèn tubusianu sāa asiri. Yīsi te wee, Babiloni baka, handunian kurō tanōbu ka daa bereteke kpuron mero. ⁶ Ma na wa tən be ba Yesu naane doken yem ka maa be ba win seeda din yem mu kurō wi bāarumō.

Ye na nūn wa, na biti soora gem gem. ⁷ Yera gōrado wi, u man sōōwa u nēē, mban sōna na biti soore. U koo man kurō win asiri tubusia ka maa gbeeku yaa ye u sōni, ye ya winu nōba yiru ka kōbi wōkuru mō. ⁸ Gbeeku yaa ye na wa mi, ya raa wasi adama ya n̄ maa wāa. N̄ n sosi ya koo yari wōru bōkō nōru sariruguun di yu da kam koo yerō. Handunian tōmbu, bèn yīsa kun wāa wāarun tireru sōo bu sere handunia tore, ba koo biti soora bā n̄ gbeeku yaa ye wa ya kpam kurama. Domi ya raa wasi adama ya n̄ maa wāa.

⁹ Ye ya bwisi bikiamō wee. Winu nōba yiru ye, ya sāawa guunu nōba yiru n̄n wōllō kurō wi, u sō. Ya maa kpam sāa sinambu nōba yiru. ¹⁰ Be nōbu ba wōruma kō, turo u gina wāa, wi u tie u n̄ tunumam kpa. Sanam mē u koo maa na, u n̄ koo tē. ¹¹ Ma gbeeku yaa ye ya raa wasi ma ya kun maa wāa, yen tiiwa ya sāa sunō nōba itase, u yarawa nōba yiru yen min di ma u dōo kam koo yerō.

¹² Kōbi wōku te na maa wa mi, ta sāawa sinambu wōkuru be ba kun gina bandu dim kpa, adama ba koo yiiko wa bu bandu di kōbi tia ka gbeeku yaa ye sannu. ¹³ Be wōku te kpuro, himba tia ba mō, ba koo ben dam ka ben yiiko gbeeku yaa ye wē. ¹⁴ Ba koo ka Yāa kinē kp̄endu tabu ko, adama Yāa kinē kp̄em te, ta koo bu tabu di yèn sō ta sāa yinnibun Yinni ka sina boko. Ma be Gusunō u soka u gōsa, be ba sāa bōrōkiniba, be ka Yāa kinē kp̄em te sannu ba koo maa sinam be tabu di.

¹⁵ Gɔrado wi, u maa man sãɔwa u nɛɛ, nim mɛ na wa mi, mɛn wɔllɔ kurɔ tanɔ wi, u sã, mu sãawa tɔmbu ka tɔn wɔru guni ka tem dabinun tɔmbu ka bwese dabinu. ¹⁶ Kɔbi wɔku te na maa wa mi ka gbeeku yaa ye, ye kpurowa ya koo kurɔ tanɔ wi tusi. Ba koo ye u mɔ kpuro sua kpa bu nùn deri tereru. Ba koo win yaa tem kpa bu ye ya tie dɔɔ meni muku muku. ¹⁷ Domi Gusunɔ u dera ba win gɔru kírú kua. U dera ba nɔɔ tia kua ba ben sinandun yiiko gbeeku yaa ye wě, sere win gari yi ka koora.

¹⁸ Kurɔ wi na wa mi, u maa sãawa wuu bɔkɔ ge ga tem kpuron sinambu taare.

18

Babilonin wɔrumaa

¹ Yenin biru na kɔam wɔllun gɔrado goo wa u saram wee wɔllun di. U yiiko baka mɔ, win buram, u ballimɔwa pari pari handunia kpuro sɔɔ. ² U nɔɔgiru sua u nɛɛ, ya wɔruma, Babiloni baka ye, ya wɔruma. Ya tẽ kua Setam bwãabun wãa yeru ka wɛreku kɔsu baageren kuku yeru ka gunɔ bɔrɔnugisu ka si su gɔbun wãa yeru. ³ Domi tem kpuron tɔmbu ba yen daa bereteken tam nɔra. Handunian sinambu ba ka ye kurɔ tanɔ kookoosu kua, ma handunian tenkuba ba kua gobigibu yen daa bereteken kpãarun sɔ.

⁴ Yera na kɔam nɔɔ gagu nua wɔllun di ga nɛɛ, i yarima nen tɔmbu, i yarima yen min di kpa i ku ka ye yen durum bɔnu ko kpa i ku ra tii kpɛɛ yen gbee swãanu sɔɔ. ⁵ Domi yen durum ya wɔllu girari, ma Gusunɔ u yen kom kɔsum yaaya. ⁶ I ye kɔsieyo nge mɛ ya bɛɛ kua. I ye kɔsieyo nge mɛ ya bɛɛ kuan nɔn yiru. I yen nɔra yibio ka tam mɛ mu bɔɔbu nɔn yiru n kere nge mɛ ya bɛɛ sɔka. ⁷ I ye tɔya ka nuku sankiranu kɔsio, nge mɛ ya yen yiiko ka dukian doo nɔɔru di. Domi ya yen tii sãɔwa ya nɛɛ, wee, ya sã nge sina

boko, ya ñ s̄a ḡomini. M̄eya ya ñ maa nuku sankiranu wasi pai. ⁸ Yen s̄o, yen gbee swāara koo ye deema s̄o teerun s̄o, baranu ka nuku sankiranu ka maa ḡōru, kpa yu d̄ō mwaara muku muku. Domi Yinni Gusunō wi u ye siri u s̄a damgii.

⁹ Handunian sinambu kpuro be ba ka ye kurō tanōru ka daa bereteke kua ba koo swī, ba koo weeweenu ko yen s̄o, sanam m̄e ba yen d̄ō mwaarabun wiisu m̄era. ¹⁰ Ba ko ba n yō n desire yèn s̄o ba yen nōni swāarun berum m̄o, kpa bu n̄e, Babiloni wuu b̄kō damguu, a kam kua, a kam kua. K̄obi tia s̄ōra siribu nun di.

¹¹ Handunian tenkuba ba koo ye swīisi ka nuku sankiranu yèn s̄o goo kun maa ben kianu dwemō ¹² ni nu s̄a wura ka sii geesu ka kpee gobi bekeginu ka goo kpikinu ka beka ye ba kua ka w̄e damgii, ka ni ba kua ka k̄ōrōnnō ka beku mari marinu ka maa beku wunōmginu. Goo kun maa d̄a gobigia dwemō ka yabu bwese bweseka ye ba kua ka suunu donnu ka d̄a yīsinuginu ka sii gandu ka sisu ka kpee kpikinu, ¹³ ka maa d̄arun kokosun buuru te ba m̄o kaneli, ka kpee yānu ka turare ka gum m̄e ba m̄o miru, ka gum swām ka tam ka gum ka som ka alikama ka n̄e ka yānu ka dumi ka yin kekeba ka maa t̄ombun tii. ¹⁴ Ma tenku be, ba ye s̄ōwa ba n̄e, ḡa geenu kpuro ni a ra raa k̄a nu n s̄a wuneginu nu nun doonari, wunen dukia ka ḡa buranu kpuro nu nun n̄oma yande, t̄onu kun maa ni wasi pai. ¹⁵ Ḡānu kpuron tenkuba be ba yen s̄o kua dukiagibu, ba koo ȳra n tonde, ba n sumō ba n weeweenu m̄o yen nōni swāarun berum s̄o ¹⁶ ba n m̄o, wee, wuu b̄kō ge, ga kam kua ge ga raa tii buraru bera ka yā ni ba kua ka w̄e damgii ka ni ba kua ka k̄ōrōnnō ka beku wunōmginu ka sere maa wuraba ka kpee gobi bekeginu ka goo kpikinu. ¹⁷ Ma k̄obi tia s̄ō gen dukia kpuro ya kam kua.

Goo nimkusu kpuron wirugibu ka be ba dua sɔɔ ka goo nimkusun sɔm kowobu ka be kpuro gesi be ba dim waamɔ nim wɔku sɔɔ, ba yɔra ba desire ¹⁸ ba nɔɔgiru sua ye ba wuu gen dɔɔ mwaarabun wiisu wa ba nɛɛ, wuu gagu maa sari nge wuu bɔkɔ geni. ¹⁹ Ba tii yanim wisimɔ winɔ ba sumɔ ka nuku sankiranu ba nɔɔgiru mɔ ba mɔ, wuu bɔkɔ ge, ga kam kuawa. Gen dukiawa be ba goo nimkusu mɔ ba ka kua gobigibu. Ma kɔbi tia sɔɔ ye kpuro ya kua bansu.

²⁰ Wɔllu, a gɔru doru wuu gen sɔ. Bɛɛ maa naanɛ dokeobu ka gɔrobu ka Gusunɔn sɔmɔbu, i gɔru doru yɛn sɔ Gusunɔ u gu siri ye ga bɛɛ kuan sɔ.

²¹ Yera wɔllun gɔrado damgii goo kperu sua ta ka nɛɛ bakaru nɛ ma u tu sure nim wɔku sɔɔ u nɛɛ, nge meya ba Babiloni wuu bɔkɔ ge sura temɔ ka dam, ga ɛn maa waarɔ pai. ²² Ba ɛn koo maa mɔrɔkunun swii nɔ wunen mi ka wom kowobu ka gaasiranu ka kɔbi. Ba ɛn koo maa sɔm bwese bwesekan kowobu wa, ba ɛn koo maa nɛɛ te ba nammɔn damu nɔ. ²³ Ba ɛn maa fitilan yam bururam wasi mi, ba ɛn maa kurɔ kraa durɔbu ka kurɔ kraobun nɔɔ nɔɔmɔ. Wunen tenkubara ba raa dam bo handunia gira sɔɔ, ma a ka wunen dobo dobo tem kpurogibu nɔni wɔkua.

²⁴ Ba maa Gusunɔn sɔmɔbun yem ka naanɛ dokeobugum wa wunɛ sɔɔ ka be kpuron yem gesi be ba go handunia kpuro sɔɔ.

19

¹ Yen biru na nɔɔ nua nge tɔn wɔrun wurenu wɔllɔ ga nɛɛ, su Gusunɔ besen Yinni siara. U sɔawa faaba kowo, u yiiko ka dam mɔ. ² Win siribu sɔa gem bu maa dɛnde. Domi u kurɔ tanɔ kpoko wi siri wi u handunia kpuro sanku ka win daa beretɛke ma u nɔn sɛyasia yɛn sɔ u win sɔm kowobu go. ³ Ma ba kpam nɔɔgiru sua ba nɛɛ, su Gusunɔ siara, wuu bɔkɔ gen dɔɔ wiisu ko n yɔɔmɔwa sere ka

baadommaə. ⁴ Yera guro gurobu yenda nne ye ka hunde koni nne ye, ba kpuna Gusunən wuswaə mi u sɔ win sina kitarə, ba nùn sāwa ba nne, ami, su Gusunə siara.

Yāa kinε kpendun

kurə kpaa tɔə bakaru

⁵ Sanam meya nɔə gaga maa nɔəra saa sina kitaru gian di ga nne, i Gusunə besen Yinni siaro beε win səm kowobu kpuro, beε be i nùn nasie, baka ka buu. ⁶ Yera na nɔə nua nge tən wərun wurenu, ga sāa nge surun bakaru n̄ kun mε guru gbāsuku bakanu, ga nne, su Gusunə besen Yinni dam kpurogii siara domi u bandu di. ⁷ I de su yēeri kpa besen nuki yi dora. I de su nùn beere wē domi Yāa kinε kpendun kurə kpaa tunuma, kurən tii maa sɔəru kpa. ⁸ Ba dera u yāa kpiki beereginu sebua ni nu dεere wasa wasa. Yāa beeregii ni, nu sāawa naane dokeobun kookoo geesu.

⁹ Yera gɔrado wi, u man sɔəwa u nne, a yeni yoruo, doo nɔərugiba be ba dim soka Yāa kinε kpendun kurə kpaa yerə.

U maa man sɔəwa u nne, gari yi, Gusunən gari geen tii tiiwa.

¹⁰ Yera na yiira win naasə n ka nùn sā, adama u nne, n ku ko mε, u sāawa nen səm kowosi ka maa nen berusebu kpurogii be ba Yesun gem seeda di, n Gusunə sāawə.

Domi seeda ye ba Yesu diiya, yeya ya sāa Gusunən səməbun garin nuuru.

Maasə dum kaagii

¹¹ Na maa wa Gusunə wəlla wukiara ma dum kaa gaa kurama. Wi u ye sɔni win yīsira Gemgii ka Bɔrəkini. Gem sɔəra u ra siri, meya u ra maa ka tabu ko. ¹² Win nɔni sāawa nge dɔə yara, ma u sina furə dabinu doke win wirə. Ba yīsiru garu yorua win sirirə te goo kun yē ma n kun mɔ wi turo. ¹³ U yaberu sebua te ba wasa yem sɔə. Win yīsira

Gusunən gari. ¹⁴ Wəllun tabu kowobu ba nùn swīi ba dum kaaba sōni, ma ba yabe kpiki bēereginu sebua ni nu dēere wasa wasa. ¹⁵ Win nōn di takobi nōo doragia yara ye u koo ka tem dabinun tōmbu tabu di. U koo bu kpara ka sii bokuru kpa u dāa binun nim gama mē mu sāa Gusunə Yinni dam kpurogiin mōru baka. ¹⁶ Win yaberə ka win taarə yīsi teniwa ta yorua, sina boko ka yinnibun Yinni.

¹⁷ Na maa wəllun gərado goo wa u yō sōo sōo. Ma u gunəsu kpuro nōogiru sue si su yōwa sere sere wəllə u nē, i mennama Gusunən dim soku yerə. ¹⁸ I na kpa i sinambu ka tabu sinambun yaa di ka tabu kowo damgibugia, ka dumi ka yin maasəbugia ka sere tōmbu kpuron yaa, yobu ka tii mōwəbu, baka ka buu.

¹⁹ Yera na gbeeku yaa ye wa ka handunian sinambu ka ben tabu kowobu. Be kpuro ba menna bu ka wi u duma sōni mi tabu ko ka win tabu kowobu. ²⁰ Ba gbeeku yaa ye mwa ka sōmō weesugii wi sannu, wi u raa sōm maamaakiginu kua gbeeku yaa yen nōni biru. Win sōm maamaakiginun sōna u bu nōni wōkua be ba raa gbeeku yaa yen yīreru mō, ma ba yen weenasia sāwa. Ba gbeeku yaa ye ka sōmō weesugii wi kpēε wasi wasiru dōo bweru sōo, wi u mwaaramō ka sōo bisu. ²¹ Ba ben tabu kowobu go ka takobi ye ya yara saa maasə win nōn di. Ma gunəsu kpuro su ben yaa di su deba.

20

Wōo nərəbu

¹ Yen biru na kpm wəllun gərado goo wa u saram wee wəllun di, u wəru bəkə nōru sariruguu gen kəkərə neni ka yōni beke. ² U yaa binti binti te sēre ye ya sāa gasən waa ye ba mō Yibirisi ka Setam, ma u ye bəkua ka yōni yi, sere wōo nərəbu (1.000). ³ Ma gərado wi, u ye bərie wəru bəkə ge sōo, u berisi ma u yīreru doke kpa yu ku maa ka

bwesenu kpuro n̄ni w̄ke sere w̄ɔ n̄r̄bu yu ka kpe. Yen biruwa ba koo ye ken̄ia bu ye kusia saa fiiko.

⁴ Na maa sina kitanu wa. Be ba s̄ nin w̄ll̄ ba bu ȳll̄aa kua bu ka siribu ko. Na maa t̄mbun hundeba wa be ba wiru bura Gusun̄n gari ka Yesun seedan s̄, ka be ba ñ gbeeku yaa ye s̄awa ñ kun m̄ yen weenasia, ba ñ maa wure ba n yen ȳreru m̄ ben sirin̄ ñ kun m̄ ben n̄maa. Ba seewa ḡrin di ma ba bandu di ka Kirisi sannu w̄ɔ n̄r̄bu. ⁵ Yeniwa ya s̄a ḡribun see ḡbiikibu. N deema, ḡri be ba tie ba ñ seewe ḡrin di sere w̄ɔ n̄r̄bu ye, yu ka yibu. ⁶ Doo n̄rugiba be ba b̄nu m̄ see ḡbiikibu s̄. Ba s̄a be ba wuna nenem Gusun̄n s̄. Ḡɔ yiruse kun maa yiiko m̄ be s̄, domi ba ko ba n s̄awa Gusun̄ ka Kirisin ȳku kowobu, ba ko n ka n̄n bandu dii w̄ɔ n̄r̄bu.

Ba Setam tabu di

⁷ W̄ɔ n̄r̄bu ȳ n yiba ba koo Setam ȳsu yen piris̄m di, ⁸ ya koo yari yu da yu handunian bwesenu kpuro n̄ni w̄ke ni ba m̄ Maḡgu ka nin wirugii Ḡgu, kpa yu nu menna bu ka tabu ko. Ba koo dabia nge nim w̄kun goorun yani s̄eri. ⁹ Be wee ba wee ba terie, tem kpuro s̄ ma ba naan̄ dokeobun sansani sikerena ka wuu ge Gusun̄ u k̄. Adama u dera d̄ɔ u sarama w̄llun di, ma be kpuro ba d̄ɔ m̄wara. ¹⁰ Yera ba Setam ye ya raa tambu n̄ni w̄kua kp̄e d̄ɔ bwer̄ wi u m̄waram̄ ka s̄ɔ bisu, m̄ s̄ ba raa gbeeku yaa ye ka s̄m̄ weesugii wi kp̄e. Miya ba koo n̄ni sw̄a bakaru wa w̄kuru ka s̄ɔ s̄ sere ka baadomma.

Siri d̄akibu

¹¹ Yera na maa sina kita kpiki bakaru wa ka wi u s̄ ten w̄ll̄. Ma tem ka w̄lla duka doona win wuswaan di, yen gaa kun maa waar̄. ¹² Yen biru na ḡribu wa, baka ka buu, ba ȳ sina kita ten wuswaa. Ma ba tirenu wukia ka maa tireru garu te ba m̄ w̄arun tireru. Ba ḡribu siri

nge mɛ ben kookoosu nɛ si ba yorusi tire ni sɔɔ. ¹³ Sanam mɛya nim wɔ̄ku ga ka gen gərɪbu na, ma gɔɔ ka gərɪbun wāa yera maa ka begibu na be ba raa nɛni. Ma ba be kpuro siri nge mɛ ben baawuren kookoosu nɛ. ¹⁴ Yera ba gɔɔ ka gərɪbun wāa yee te sua ba kpɛɛ dɔ̄ɔ bwee te sɔɔ. N deema, dɔ̄ɔ bwee tera ta sāa gɔɔ yiruse. ¹⁵ Baawure wɪn yīsiru ba ñ yorua wāarun tire te sɔɔ, ba nùn sua ba kpɛɛ dɔ̄ɔ bwee te sɔɔ.

21

Wɔ̄n kpaaru ka tem kɔam

¹ Yen biruwa na wɔ̄n kpaaru ka tem kɔam wa. Wɔ̄n gururu ka tem gurun baa doona, nim wɔ̄ku ga ñ maa wāa. ² Ma na wuu dɛɛrɔ wa, ge ga sāa Yerusalemu kɔaa, ga saram wee Gusunɔ wəllun di, ga sɔ̄ru sāa nge kurɔ kpao wi u buraru sāa u win durɔ mara. ³ Na maa nɔɔgɪru nua sina kitarun di ta nɛɛ, wee tɛ, Gusunɔn wāa yera wāa tɔmbun suunu sɔɔ, u ko n wāa ka be, ba koo maa ko wigibu. Gusunɔn tii u ko n wāa ben suunu sɔɔ. ⁴ U koo bu ben nɔni yīresu kpuro woka. Gɔɔ kun ko n maa wāa ka win nuku sankiranu ka swīi ka wuriribu domi gasɔn gāanu nu doona kpuro.

⁵ Sanam mɛya wi u sɔ̄ sina kitarɔ u nɛɛ, wee na gāanu kpuro kua kpaanu.

U maa man sɔ̄wa u nɛɛ, n yeni yoruo domi win gari, gari geeya, yi maa sāa naanɛgi.

⁶ Ma u man sɔ̄wa u nɛɛ, ye kpuro ya kpa, wiya gāanu kpuron tore ka nin wii gowo wiya maa gbiikoo ka dāako. Baawure wi nim nɔru ga mɔ̄ u koo nùn nim kɛ nim wāarugim bwian di n kun ka kɔsiaru. ⁷ Baawure wi u tabu di, win tubi wee, u ko n sāa win Yinni kpa wi, u maa ko win bii. ⁸ Adama bɛrurobu ka naanɛ doke sarirugibu ka kom kɔsumgibu ka tɔn gowobu ka sakara kowobu ka dobo

dobogibu ka bũu sãabu ka wee kowobu kpuro, ba koo ben bõnu wa dõo bwerõ wi u mwaamõ ka sõõ bisu. Yera ya sãa gõõ yiruse.

Yerusalemu kpaa

⁹ Yera gõradoba nãba yiru be ba raa yorukunu nãba yiru neni nì sõõ gbee swãanu nãba yiru wãa, ben turo u na u man sõõwa u nεε, n na, u koo man kurõ kpao sõõsi wi u sãa Yãa kine kpem ten kurõ.

¹⁰ Sanam meya gõrado wi, u nen bwẽra sua kãsi kãsikum u ka da guu bakaru garun wõllõ. U man Yerusalemu wuu dεεrõ ge sõõsi ga saram wee Gusunõ wõllun di, ¹¹ ga ballimõ Gusunõn yiikon giriman sõ nge kpee sõõ tiro gobi bekeguu ge ba mð yasipu, ge ga dεere nge diki kpika. ¹² Ma gbãra bakara gu sikerene te ta kãnnõsu wækura yiru mõ, ma wõllun gõradoba wækura yiru ba kãnnõ si kõsu. Kãnnõ si sõõra Isirelin bibun bwesenu wækura yirun yĩsa yorua. ¹³ Gbãra ten goonu nne nne ye, kãnnõsu ita itawa nu mõ. Kãnnõsu ita wãa sõõ duu yeru gia, ita maa wãa sõõ yari yeru gia, ma ita ita wãa yẽsa ka yẽsa. ¹⁴ Ba wuu gen gbãraru swĩwa kpenu wækura yirun wõllõ, nìn wõllõ ba Yãa kine kpendun gõrobu wækura yirun yĩsa yorua.

¹⁵ Wõllun gõrado wi u ka man gari kua u yĩrutia wuragia neni u ka wuu ge yĩire ka gen kãnnõsu ka gen gbãraru. ¹⁶ Wuu gen goonu kpuro nu nẽwa, gen yasum ka gen dẽebu tia. Gõrado wi, u gu yĩira ka win yĩrutia. Wee, gen dẽebu kua kilo nãrõbun suba yiru ka goobu (2.200). Meya maa gen yasum ka gen gurum. ¹⁷ Gõrado wi, u maa gbãra te yĩira ma ta kua gõm soonu wunaa weeru ka nne. U yĩrumõ ka win yĩrutia yèn bweseru tõmba maa mõ. ¹⁸ Ba wuu gen gbãraru kuawa ka kpee gobiginu ni nu nãni bwese bweseka mõ ma ba wuu gen tii kua ka wuran tii tii

ye ya dēere nge diki. ¹⁹ Ba wuu gen gbāraran kpeεkpeεku buraru kua ka kpee gobiginu. Kpee nin gbiikira ni nu nōni swāaru mō, nin yiruseru ni nu nōni boogu mō, itaseru ni nu nōni bwese bweseka gεε mō, nnēseru ni nu nōni wuru beku mō. ²⁰ Nōbuseru ni nu nōni berō wuru mō, nōba tiaseru ni nu nōni swāaru mō, nōba yiruseru ni nu nōni wuru beku mō, nōba itaseru ni nu nōni berō wuru mō, nōba nnēseru ni nu nōni dām buuru mō, wōkuseru ni nu nōni wuru beku ka dām buuru mō, wōkura tiaseru ni nu nōni dām buuru ka swāaru mō, wōkura yiruseru ni nu nōni gaadura mō. ²¹ Ma ba gamboba wōkura yiru kua ka kpee kpiki gobi bekeginu wōkura yiru. Ba gambo baayere kua ka kpee kpiki nin teeru. Ma ba wuu gen swaa kua ka wuran tii tii ye ya sāa nge diki kpika.

²² Na ñ sāa yeru wa wuu ge sō yèn sō Gusunō Yinni dam kpurogiin tii ka maa Yāa kinε kpem te, ba sāa gen sāa yeru. ²³ Wuu ge, ga ñ maa sō ñ kun mε surun bukata mō ga n ka yam dēere, yèn sō Gusunōn yiikon girima ballimō ge sō, ma Yāa kinε kpem te, ta sāa gen fitila. ²⁴ Tem kpuron tambu ba koo sī gen yam bururam sō, kpa tem girum sinambu bu ka ben yiiko ye ba raa mō na ge sō. ²⁵ Wuu gen kōnnōsu su ko su n keniarewa saa baayere, domi wōkura kun maa koorō mi. ²⁶ Ba koo ka tem kpuron yiiko ka men beere na wuu ge sō. ²⁷ Adama gāa kōsunu kun duō wuu ge sō pai, mēya maa tōnu wi u kom kōsum ka weesu mō. Be ba koo du mi, beya bèn yīsa ba yorua Yāa kinε kpem ten tireru sō te ta sāa wāarun tireru.

22

¹ Gōrado wi, u man nim wāarugim daaru sōsi te ta ballimō nge diki kpika, te ta kokumō Gusunō ka Yāa kinε kpem ten sina kitarun di. ² Ma ta kokusimō wuu gen swaan suunu sō. Dāa wāaruginu yō daa ten goo gooka ni nu ra ma nōn wōkura yiru wō tīa sō, nōn teeru suru

baawure. Dāa nin wurusa ba ra ka tim ko bu ka tem kpuron tōmbu bekia. ³ Bōri gεε kun ko n maa wāa wuu ge sōō.

Gusunō ka Yāa kinε kpem ten sina turara ta ko n wāa mi, kpa win sām kowobu bu nūn sā. ⁴ Ba koo win wuswaa wa kpa win yīsiru ta n yorua ben sirinō. ⁵ Wōkura kun ko n maa wāa mi. Ba ñ ko ba n fitilan yam bururam bukata mō ñ kun mε sōōgim, domi Yinni Gusunōwa u ko n sāa ben yam bururam. Ba koo maa bandu di sere ka baadommaō.

Yesun wuramaru

⁶ Yera gōrado wi, u man sōōwa u nεε, gari yini gari geen tiiwa, yi maa naane mō. Gusunō wi u win sāmōbu kpare, u win gōrado gōrima win sām kowobun mi u ka bu sōōsi ye ya koo ko ñ n sosi fiiko.

⁷ Yesu nεε, wee u sisi u ñ tεemō. Doo nōrugiiwa wi u tire tenin gari mem nōōwa.

⁸ Nε Yohanu na yabu yeni nua, na maa ye wa. Ye na ye nua na ye wa na kpa, na kpuna wōllun gōrado win wuswaaō wi u man ye kpuro sōōsi, n ka nūn sā. ⁹ Adama u man sōōwa u nεε, n ku ko mε, u sāawa nen sām kowosi ka nen beruse Gusunōn sāmōbugii, ka sere be kpurogii be ba tire tenin gari mem nōōwa. N Gusunō sāawō.

¹⁰ Yera u maa nεε, n ku tire tenin gari bere domi saa ya turuku kua yi ka koorā. ¹¹ Wi u kōsa mō u n win kōsa mō u n bō. Wi u daa disinugia mō, u n win daa disinugia mō u n bō. Wi u maa gea mō u n win gea mō u n bō. Wi u maa sāa tōn dεero u de Gusunō u n maa nūn dεerasiamō.

¹² Yesu nεε, wee, u sisi u ñ tεemō. U koo ka are na u baawure kōsia nge mε win sōmbura nε. ¹³ Wiya u sāa gbiikoo ka biruko, wiya gāanu kpuron tore ka nin wii gowo.

¹⁴ Doo nōrugiba be ba ben yānu tea wasa wasa, ba n ka bōnu mō dāa wāarugirun binu sōō kpa bu du wuu ge sōō, saa gen kōnnōn di. ¹⁵ Adama kom kōsum kowoba kun duō

wuu ge sɔɔ, ka dobo dobo kowobu ka sakara kowobu ka tɔn gowobu ka bũu sãɔbu ka baawure wi u weesu kĩ u m̀.

¹⁶ Wi, Yesu u bɛɛ win gɔrado gɔria u ka bɛɛ gari yini sɔ win yigbenun sɔ. Wiya Dafidin sikadobu wi u sãa nge kp̄ii kpaaru win yenuɔ. U sãawa yam sãrerun kpera ye ya ballimɔ.

¹⁷ Hunde Dɛero ka maa kurɔ kpao ba gerumɔ, u na.

Baawure wi u gari yi nɔɔmɔ u de u maa nɛɛ, u na.

Wi nim nɔru ga m̀ u na. Wi u maa nim wãarugim kĩ, u mɔɔ n kun ka kɔsiaru.

Garin wii goberu

¹⁸ Nɛ Yohanu na baawure sɔɔmɔ, wi u tire tenin gari nɔɔmɔ, goo ù n gari gɛɛ sosi yi ba yorua mini sɔɔ, Gusunɔ u koo yẽron tɔya sosi ka gbee swãa ni ba yorua tire teni sɔɔ. ¹⁹ Mɛya maa wi u gari gɛɛ kawa tire tenin garin di Gusunɔ u koo yẽro bɔnu bira dãa wãarugirun binu sɔɔ, ka maa wuu dɛɛrɔ ge sɔɔ, ge ba tubusia tire teni sɔɔ.

²⁰ Wi u gari yini kpuro gerua u yi sirewa u nɛɛ, mɛya, u sisi u ñ tɛɛmɔ.

Ami, a na Yinni Yesu.

²¹ Yinni Yesun durom mu n ka wigibu kpuro wãa. Ami.

Bibeli Gusunɔn Gari

The Holy Bible in the Baatonum language of Benin, also called the Bariba language

copyright © 2013 SIM

Language: Bariba (Baatonum)

Translation by: SIM International

Bariba, Bibeli Gusunɔn Gari

This translation, published by the UEED/SIM au Benin, was published in 1996.

If you are interested in obtaining a printed copy, please contact the SIM at SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-10

PDF generated using Haiola and XeLaTeX on 27 Sep 2019 from source files dated 26 Jun 2019

00601790-b883-5da1-83f2-d05a7fa289a8